

"Bon Dia": Otro publicacion nobo di Charuba



ORANJESTAD(AAN)-- Durante siman e conocido escritor y docente na Colegio Arubano, Sr. Wim Rutgers a entrega na Minister di Bienestar General Sr. Mito Croes un chemplar di "Bon Dia" cual ta un edicion nobo di CHARUBA.

"Bon Dia" ta worde skirbi door di Sr. Rutgers y ta trata literatura Hubenil di Aruba, Antillas, Caribense y autornan manera Desiree Correa, Josette Daal, Sonia Garmers, Siny van Iterson, Fances Kelly, Diana Lebacs y Richard Pieter-nella en especial.

Literatura ta expresion di e autor pero tambe ta un medio di comunicacion entre e escritor y e lesador.

E aspecto cu ta resalta den "Bon Dia" ta e problema ariba cual cada vez autornan ta bini bek esta; 3 idioma pa expresion y comunicacion.

Di e variacion amplio di idiomanan cu autornan caribense pa usa nan ta escohe qui sorto di idioma den cual nan por ta nan mes y cu cual nan por penetra cerca e publico lesador.

Sr. Wim Rutgers ta maestro di Hulandes na Colegio Arubano y ta skirbi den diferente publicacion ariba literatura caribense.

E ta publica cu CHARUBA/Leopold, e bukinan pa hubentud caribense di Miep Diekman y "Dubbeltje lezen Stuivertje schrijven; ariba

literatura caribense na Hulanda.

E kafa di e buki a worde prepara door di Sr. Ciro Abath.

CHARUBA ta cerca publicacion den diferente idioma di Aruba y autornan Arubano.

Minister Croes a felicita Sr. Wim Rutgers cu e publicacion di "Bon Dia" y a gradici pa su trabaonan pa cu literatura arubiano.

E analisisnan di Wim Rutgers ta duna nos un mihor comprendemento di e trabaonan di nos autornan y alavez ta un reconocimiento y estimulacion pa nan trabaonan Minister Croes a expresa.